



المسلم وعقله

So Muslim a go so Pamikiran Iyan

(al Khutbah 4)

Ki: Alim Hassanor bin Maka Alapa
al Murshid al Am

al Insan Islamic Assembly of the Philippines

إِنَّ الْحَمْدَ لِلَّهِ نَحْمَدُهُ وَنُسْتَعِينُهُ وَنَسْتَغْفِرُهُ وَنَعُوذُ بِاللَّهِ مِنْ شُرُورِ أَنْ فَسْنَا وَسَيِّئَاتِ
أَعْمَالِنَا مَنْ يَهْدِهِ اللَّهُ فَلَا مُضِلَّ لَهُ وَمَنْ يَضِلَّ فَلَنْ تَجِدَ لَهُ وَلِيًّا مُرْشِدًا ، وَأَشْهَدُ أَلَّا إِلَهَ
إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ ، اللَّهُمَّ صَلِّ وَسَلِّمْ وَبَارِكْ
عَلَى مُحَمَّدٍ صَلَّى اللَّهُ عَلَيْهِ وَسَلَّمَ وَعَلَى آلِهِ وَصَحْبِهِ وَمَنْ اهْتَدَى بِهَدْيِهِ إِلَى يَوْمِ
الدِّينِ . . . وَبَعْدُ:

فِيَا عِبَادَ اللَّهِ يَقُولُ الْحَقُّ تَبَارَكَ وَتَعَالَى فِي الْقُرْآنِ الْكَرِيمِ:

قُلْنَا اهْبِطُوا مِنْهَا جَمِيعًا فَإِمَّا يَأْتِيَنَّكُمْ مِنِّي هُدًى فَمَنْ تَبِعَ هُدَايَ فَلَا خَوْفٌ عَلَيْهِمْ
وَلَا هُمْ يَحْزَنُونَ .

Innalhamda lillāhi nahmaduhu wa nastānuhu wa nastagfiruh, wa na'ūdubillāhi min shurūri anfusinā wa sayyiāti a'mālinā, man yahdihillāhu falā mudhillalahu, wa may yudhlil falan tajida lahu waliyyan murshidā, wa ash'hadu allā ilāha illallāhu wahdahu lā sharīka lahu, wa ash'hadu anna Mohammadan abduhu wa rasūluh, Allāhumma salli wa sallim wa bārik alā Mohammadin sallallāhu alayhi wa sallama wa alā ālihi wa sahabihi wa manihtadā bihad'yihī ilā yawmidd dīn wa ba'du:

Fayā ibādallāhi, Yaqūlul Haqqu Tabāraka wa Ta'ālā fil Qur'ānil Karīm:

Qulnah bitū minhā jamīan fa'immā ya'tiyannakum minnī hudan faman tabi'a hudāya falā khawfun alayhim wa lā hum yahzanūn.

So langowan a podipodi ago so samporna a bantog na rk o Allāh (سُبْحَانَهُ وَتَعَالَى), bantogn tano Skaniyan go mamangni tano ron sa tabang, ago mangni tano Ron sa sapngan Iyan so manga dosa tano, go lomindong tano ko Allāh (سُبْحَانَهُ وَتَعَالَى) phoon ko manga antiyor o manga ginawa tano, ago so pangararata o manga galbk tano, sa taw a toroon skaniyan o Allāh (سُبْحَانَهُ وَتَعَالَى), na da' a makadadag on, na sa taw a dadagn iyan na dingkadn mitoon sa salinggogopa' iyan a phakatoro' on.

<http://www.alkhutbah.com>

Manga Oripn o Allāh.

Aya bandingan tano imanto na so Muslim a go so Pamikiran iyan.

Siniyap o Islam so pamikiran a go so akal sabap sa so Akal i da dn a lawan iyan a mapiya a inadn o Allāh (سُبْحَانَهُ وَتَعَالَى), sa inibgay niyan ko manosiya sabap roo na mimbaloy so manosiya a skaniyan i makalalawan a kaadn o Allāh (سُبْحَانَهُ وَتَعَالَى) a siyakaw niyan a go piakalbi niyan ko manga kaadn sabap ko akal iyan.

Miasabot ko Hadith Qudsi a: Gowani a adnn o Allāh so akal na piakapaniaropa niyan sa isa a nganin, na pitharo' iyan on a talikhod ka na tomialikhod, na pitharo' iyan on a: Sarpang ka, na somiarpang, na pitharo' iyan on a: Sojud ka na somiojud, na pitharo' iyan a: Da dn a inadn akn a ba ka niyan kalawani ko kapiya, sa datar ako o montiya' a matotonkop ko plak o gtik ko didalm a ragat a di ako katawan o manga kaadn akn, na misabap rka na miaknal ako o oripn akn a go kiatokawan ako a sakn so Kadnan a miangadn. Na sadn sa taw a kababayaan akn ko manga oripn akn na tarotpn ko ska on.

Pikhpitan o sabagi ko manga pananafsir a so inaloy o Qur'ān a Sarig (al Amānah) a da' pangrawa o langit a go so lopa' na gioto kon sa Akal, ka kagiya so paliogat o agama a manga simba na di pnggolalan odi misabap ko akal a mapiya.

So kaadn o kata' o ko akal o taw na paliogat a go bantogan o Muslim.

So Muslim na mapaparatiaya sa so kabarasaa niyan ko pamikiran iyan a go so kathontot iyan sa kata' o a go so kasawa'i niyan ko manga tanda' o Allāh (سُبْحَانَهُ وَتَعَالَى) sii ko doniya na paliogat on oto, sabap ko ktharo' o Rasūlullāh (صَلَّى اللهُ عَلَيْهِ وَسَلَّمَ) a:

So kathontot sa kata' o na paliogat ko oman i Muslim (mama babay). Pianothol i al Bukhārī.

Sabap roo na so Muslim na khatatap a makapthontot sa kata' o ko tnday o kaoyagoyag iyan, sa so Allāh (سُبْحَانَهُ وَتَعَالَى) na iniporo' iyan so pankatan o manga tata' o a go tiand o Qur'ān a aya lbi a mala' ī kalk ko Allāh (سُبْحَانَهُ وَتَعَالَى) na so manga taw a manga ala' i sowa ko Islam.

قُلْ إِنَّمَا يَخْشَى اللَّهَ مِنْ عِبَادِهِ الْعُلَمَاءُ قُلْ إِنَّ اللَّهَ عَزِيزٌ غَفُورٌ ﴿٢٨﴾

Mataan a aya mala' i kalk ko Allāh na so manga oripn iyan a manga Ulamā (manga tata' o ko Agama) mataan a so Allāh na Mabagr a Paririla'. (Surah Fātir 35:28)

Da' a isa bo' a ba bnar a ikhalk iyan so Allāh (سُبْحَانَهُ وَتَعَالَى) inonta bo' so siran oto a so manga akal iran na kiasindawan o kata' o a khilay ran so bagr o Allāh (سُبْحَانَهُ وَتَعَالَى) a mapapayag ko kiaadna niyan ko manga kaadn sa siran oto a manga taw na siran so manga taw o kata' o (ahl al Ilm). Sa miakalbi siran ko siran oto a manga taw a da' a katawan iran.

Pitharo' o Allāh (سُبْحَانَهُ وَتَعَالَى) sii ko Qur'ān a katii so pd ko maana niyan a:

قُلْ هَلْ يَسْتَوِي الَّذِينَ يَعْلَمُونَ وَالَّذِينَ لَا يَعْلَمُونَ ۗ إِنَّمَا يَتَذَكَّرُ أُولُو الْأَلْبَابِ ﴿٩﴾

(Tharo' anka hay Mohammad) a ino ba makaphlagid so siran oto a ana katawan iran (manga tata'o) a go so siran oto a da' dn a plng iran, mataan a aya makaphananadm na so manga lalantas i pamikiran. (Surah az Zumar 39:9)

Da' a isa bo' a titho a khalk ko Allāh (سُبْحَانَهُ وَتَعَالَى) a ba niyan kalawani so manga tata'o a kominal on a so manga ulama, sabap sa siran i pphakailay sa mapayag ko kala' o Allāh (سُبْحَانَهُ وَتَعَالَى) a go so bagr iyan a mapapayag sii ko kiaadna niyan ko langowan o kaadn. Giankoto a manga taw na siran i pthawagn a manga taw o kata'o (ahl al Ilm).

Pianothol o Safwān bin Assāl a: a Miakaoma skaniyan ko Rasūlullāh (صَلَّى اللهُ عَلَيْهِ وَسَلَّمَ) sii sa masjid na pitharo' iyan a: Ya Rasūlallāh miakaoma ko ka pthontot ako sa kata'o. Na pitharo' o Rasūlullāh (صَلَّى اللهُ عَلَيْهِ وَسَلَّمَ) a:

Taros ka sa ingoma ka, hay pthontot sa kata'o! Mataan a so manga Malaikat na khokolilingan iran so taw a giithontot sa kata'o sa kakayatn iran so manga papak iran, sa liliyotn iran sa zasapankat sa taman sa misampay siran ko sapankat ko langit, sa kasosoat iran a go kapkhababaya'i ran ko ilmo' a pphaganadn ankoto a taw. Pianothol o Ahmad, at Tabarāni, Ibn Hibbān a go so al Hākim.

Tanto a madakl a manga titayan a paraman a go sabdan ko kiapakalbiya niyan ko kathontot sa kata'o, sabap roo na so Muslim na di dn khablag ko kababaloy niyan `a; o di mata'o na pd ko pphaganad ko ilmo' o mata'o, sa da' a ika tlo niyan, sa odi skaniyan roo mapd na skaniyan so taw a binasa a antiyor so kibabatog iyan ko lopa'.

Manga Oripn o Allāh.

So kathontot sa kata'o na ipoon ko kimbawataan ko taw na taman ko kapatay niyan, gioto so katharo' a phoon ko saloyota na taman ko talbo o kobor.

So thitho a kata'o na di makaphmaana sa ba so bo' so kakowaa ko diploma odi' na pankatan sa ipnggalbk o taw ko manga blangan o kaoyagoyag sa pantag sa an makapagintaw sa mapiya a kapangondaya' na oriyan oto na imbagak iyan so kapaganad sa di niyan zorimann so manga gadong o kata'o sa di phannkayos ko kapaganad. Aya thitho a kapaganad na so taw na itharos iyan so kabatiya' a go so kandaras ko manga kitab sa pphakaozorn iyan so kata'o niyan a go so sowa' iyan ko langowantaman oman dn gawii sabap sa da' a nganin a piangni o Rasūlullāh (صَلَّى اللهُ عَلَيْهِ وَسَلَّمَ) so kapagomanomani niyan on a rowar ko Ilmo' gowani a tharo'on o Allāh (سُبْحَانَهُ وَتَعَالَى) sa Qur'ān a:

وَقُلْ رَبِّ زِدْنِي عِلْمًا ﴿١١٤﴾

Tharo' anka (hay Mohammad) a Kadnan ko pagomanomani ako Nka sa kata'o. Tā Hā 114.

Manga Oripn o Allāh.

So manga Sahābah o Rasūlullāh (صَلَّى اللهُ عَلَيْهِ وَسَلَّمَ) a siran i ladiawan tano a manga taw, na da siran dn targ ko kapphaganad iran sa kata’o a go so kapphakablanga iran on apiya pn i kiapakala’ o kakawasaan iran a go so kadato’ iran, sa tiatap iran so kapaganad sa ilmo’ sa taman dn ko kaposan a sanggoy o manga napas iran. Sasabotn iran a so ilmo’ na oyagoyag a khatatap so kao-oyagoyag iyan amay ka matatatap mambo so kapphaganada on, na khalayon sa phatay amay ka ibagak so kapphanontota on o manga taw.

Pitharo’ o al Imām Ibn Abdil Barr a so pitharo’ o Ibn Abī Gassān a: *Sa dn sa kapphaganad ka sa kata’o na gioto dn i kababaloy nka a taw a mata’o, na sa dn sa kibagakn ka ko kapanontot sa kata’o na gioto dn i kiabaloy nka a da’ a sowa iyan.*

Samanoto na so kapphaganad i kababaloy o taw a mata’o, na so katarg iyan na aya niyan dn kiaboda. Sabap sa so kata’o na lalakaw a da dn a pithamanan iyan a go kalodan a da dn a phikhilidan iyan, na aya bo’ a kaphakaktas on o taw a so katatap o kaphlayag iyan on sa di tomarg sa ba thangn.

Pitharo’ o Imām Mālik a:

Da’ a taw a mata’o a ba niyan babagakn so kapphaganad sa kata’o.

Inizaan so Imām Abdūllāh al Mubārak o anda taman i kapphaganad iyan sa katao? Na pitharo’ iyan a: *Taman sa kapatay akn na pphagand ako dn, ka da ko pn maknal so nganin a lbi a khabgan ako niyan sa mala’ a gona.*

Inizaan so Imām Abū Amr bin al A’lā o ay kathay o kapaganad? Na pitharo’ iyan a: *Pphaganad skaniyan dn sa taman sa adn pn a pzanggoy ron a napas iyan.*

Inizaan so Imām Sufyān bin Uyaynah o antaa i madait a maganad ko kata’o, na pitharo’ iyan a: *Sa dn sa lbi a mala’ i kata’o na aya taralbi a maganad sa kata’o’.* Na pitharo’ iran a ino to? Na pitharo’ iyan a: *Kagiya o maribat siran na so karataan iyan na lbi a mala’.*

Manga Oripn o Allāh.

Atonaa i kata’o a paliogat ko Muslim so kapaganada on?

Aya paganay a paliogat ko Muslim a masowa iyan a kata’o na so kabatiyaa niyan ko Qur’ān sa nggolalan ko Tajwīd a go masabot iyan so maana niyan sa mapiya, sabap sa kagiya aya dn a pagampaganay a tomoron a ayat ko kiatoron o Qur’ān na so katharo’ a **Batiya ka** (Iqra’). Oriyan oto na paganadn iyan so maana o Qur’ān a go so manga kata’o niyan a go so mitotompok on a manga kokoman sa ilangag iyan so manga ayat a kokoman ko Qur’ān (Ayāt al Ahkām). Oriyan oto na paganadn iyan so manga kata’o o Sunnah o Rasūlullāh (Hadīth) a go so okit a kiapagintaw niyan sabap sa skaniyan i ladiawan a zayanan o Muslim ko kaoyagoyag iyan. Oriyan oto na paganadn iyan so manga kata’o ko kokoman o Islam (Fiqh) a gianan i kapapayagan ko manga kata’o ko paratiaya (Aqīdah) a go simba ko kiazosonan yan, sa palaya iyan dn knaln so manga kata’o ko Islam, na amay ka maknal iyan oto na pangolad dn

matiya ko manga kata'ó ko doniya a gioto so manga kata'ó a piakambowat o knal o Manosiya ka an makaloag so kaoyagoyag iyan sa thagompiya so btad iyan ko kibabatog.

Manga Oripn o Allāh.

Aya piakaratarata' sa ginawa sanká'i a manga btad tano a kapapantagan, na so manga Muslim sa masa ini na aya inipatoray ran sa ginawa iran a piaganad iran a kata'ó na so manga kata'ó ko doniya a pianarankoni o knal o manosiya, sa tialikhodan iran so manga kata'ó o Islam, sa isa a sabap oto na so kiaprarad tano sanká'i a atoran a demokrasiya a so taw na makaphaganad sa kata'ó a miphangayagan iyan, sa kialikatan so manga kata'ó o Islam a aya poonan iyan na so kaknala ko Allāh (سُبْحَانَهُ وَتَعَالَى) sa tarotop.

Sa pkhailay tano a aya kadaklan ko manga Muslim so dn so manga ala on i kata'ó ko manga sowa' a bago na apiya so kaphakabatiya iran sa kaat a Arab na tanto a maito, na aya pn so kabatiyaa iran ko Qur'ān.

Paliogat ko manga Muslim a kandod iran ko kapaganada iran ko kaat a Arab ka an iran mabatiya so Qur'ān a giankanan a Qur'ān na gianan so tali o Allāh (سُبْحَانَهُ وَتَعَالَى) a mammts a phoon ko lopa na mikakampt ko Allāh (سُبْحَانَهُ وَتَعَالَى) ko kaporo'an o Aras iyan, gianan so bagr o Allāh (سُبْحَانَهُ وَتَعَالَى) a go toroan iyan ko manosiya a go gianan i katotonkopan ko bagr a Mu'jizah (miracle) a sa dn sa taw odi' na pagtaw a maknal iyan na go niyan nggalbka so matatago' on na kandatoan iyan so doniya sa mangongonotan on, na sa dn sa taw a Muslim a ibagak iyan na pakapagombasayin siran o Allāh (سُبْحَانَهُ وَتَعَالَى) sa kaantiyor a go kadadas ko kiphapantagn iran ko manga ridoay ran a Shaytan a go kapisir.

Manga Oripn o Allāh.

Aya madait a zowaan tano na paganadn tano so Qur'ān a go so manga kata'ó niyan, oriyan oto na paganadn tano so manga kata'ó o Doniya sa knaln tano sa tarotop, oriyan oto na nggalbkn tano so taman a khagaga tano ron, na o masowa anan na phakaoma so panabang Allāh (سُبْحَانَهُ وَتَعَالَى) sanká'i a Ummah sa da dn a ba on makasarpang a bagr ko doniya inonta a itombak iyan sabap sa so bagr o Allāh (سُبْحَانَهُ وَتَعَالَى) na aya niyan bagr.

Aya dn a sabap a kiada'i sa bagr ko Muslim sa masa ini na sabap ko kiaawat iyan ko Qur'ān sa di niyan mbatiyaan a go di niyan zabotn so maana niyan sa miapotol on so tali a malamit na di niyan khatoon so Kadnan iyan, sa datar o pasbi a miarantas so togan iyan a tali na minikayambr a datar o kabasi a da' a thontokan sa ganot iyan na antonaa pn i bagr a nanayawn ko datar oto a Muslim a miadadas a pkhailay nka a lawas na da' a niyawa niyan sa mimbaloay a koyapr a da' a bagr nyan.

وَأَقُولُ قَوْلِي هَذَا وَأَسْتَغْفِرُ اللَّهَ لِي وَلَكُمْ وَلِسَائِرِ الْمُسْلِمِينَ مِنْ كُلِّ ذَنْبٍ فَاسْتَغْفِرُوهُ
إِنَّهُ هُوَ التَّوَّابُ الرَّحِيمُ

Wa aqūlu qawlī hādā wa astagfirullāha lī wa lakum wa lisāiril Muslimīn min kulli dambin fastagfirūhu innahu Huwat Tawwābur Rahīm.



المسلم وعقله
Khutbah a Ika Dowā
(al Khutbah 4)

الْحَمْدُ لِلَّهِ رَبِّ الْعَالَمِينَ ، وَالصَّلَاةُ وَالسَّلَامُ عَلَى رَسُولِهِ الْكَرِيمِ ، مُحَمَّدِ بْنِ عَبْدِ اللَّهِ وَعَلَى آلِهِ وَصَحْبِهِ أَجْمَعِينَ.

al hamdulillāhi rabbil ālamīn, wassalātu was salāmu alā rasūlihil karīm, Mohammasin bin Abdillāh, wa alā ālihi wa sahabihi ajmaīn.

وَقَالَ رَبُّكُمْ أُدْعُونِي أَسْتَجِبْ لَكُمْ.

Wa qāla Rabbukum ud'ūnī astajib lakum.

اللَّهُمَّ أَلْفَ بَيْنَ قُلُوبِنَا ، وَأَصْلِحْ ذَاتَ بَيْنِنَا ، وَاهْدِنَا سُبُلَ السَّلَامِ ، وَنَجِّنَا مِنَ الظُّلُمَاتِ إِلَى النُّورِ ، وَجَنِّبْنَا الْفَوَاحِشَ مَا ظَهَرَ مِنْهَا وَمَا بَطَنَ ، وَبَارِكْ لَنَا فِي أَسْمَاعِنَا ، وَأَبْصَارِنَا ، وَقُلُوبِنَا ، وَأَزْوَاجِنَا وَذُرِّيَّاتِنَا ، وَتُبْ عَلَيْنَا إِنَّكَ أَنْتَ التَّوَّابُ الرَّحِيمُ ، وَاجْعَلْنَا شَاكِرِينَ لِنِعْمَتِكَ مُشِينٍ عَلَيْكَ يَا أَرْحَمَ الرَّاحِمِينَ.

Allāhuma allif bayna qulūbinā, wa aslih dāta bayninā, wahdinā subulas salāmi, wa najjinā minadhulumāti ilan nūri, wa jannibnal fawāhisha mā dhahara minhā wa mā batana, wa bārik lanā fī asmā'inā wa absārinā, wa qulūbinā, wa azwājinā, wa durriyyātinā, wa tub alaynā innaka antat tawwābur rahīm, waj'alnā shākirīna lini'matika muthnīna alayka yā arhamar rāhimīn.

Yā Allāh, pakanggiginawai Anka so manga poso' ami, go ompiya Inka so manga karido' ami, go toro'a kami Nka ko manga lalan o kalilintad, go pakalidasa kami Nka phoon ko manga lilibotng san ko maliwanag, go pakawatnn kami Nka ko manga rarata', ko miapayag on, go so minisoln on, go pakambarakat Anka rkami so manga kan'g ami, go so manga kailay ami, a go so manga poso' ami, go so manga karoma mi, go so manga moriataw ami, go pakatawbata kami Nka ka mataan a Ska so patatawbata Masalinggagawn, go baloya kami Nka a mananalamat ko limo' oka a pmbantog Rka hay Masalinggagawn ko langowan a pphanalinggagaw.

اللَّهُمَّ يَا مُقَلِّبَ الْقُلُوبِ وَالْأَبْصَارِ ثَبِّتْ قُلُوبَنَا عَلَى طَاعَتِكَ ، وَلَا تُزِغْ قُلُوبَنَا بَعْدَ إِذْ هَدَيْتَنَا ، وَلَا تَفْتِنْنَا فِي دِينِنَا وَاجْعَلْ يَوْمَنَا خَيْرًا مِنْ أَمْسِنَا ، وَاجْعَلْ غَدَنَا خَيْرًا مِنْ يَوْمِنَا ، وَاجْعَلْ خَيْرَ أَعْمَارِنَا أَوْآخِرَهَا ، وَخَيْرَ أَعْمَالِنَا خَوَاتِيمَهَا وَخَيْرَ أَيَّامِنَا يَوْمَ نَلْقَاكَ وَأَنْتَ رَاضٍ عَنَّا.

Allāhumma yā muqallibal qulūbi wal absāri thabbit qulūbanā alā tāatika, wa lā tuzig qulūbanā ba'da id hadaytanā, wa lā taftinnā fī dīninā waj'al yawmanā khayran min amsinā, waj'al gadanā khayran min yawminā, waj'al khayra a'mārinā awākhirahā, wa khayra a'mālinā khawātimahā, wa khayra ayyāminā yawma nalqāka wa anta rādhin 'annā.

Yā Allāh, hay giikhliklid ko manga poso', go so manga pamikiran tatap Anka so manga poso' ami ko kaphhangongonotani Rka, go di Nka phalinga so manga poso' ami ko oriyan o kiatoro' Anka rkami, go di kami Nka phitnaa sii ko agama mi, go baloy Anka so imanto ami a mapiya a di so kaga'i ami, go baloy Anka so mapita' ami a mapiya a di so imanto ami, go baloy Anka a aya mapiya ko manga omor ami na so pkhaposan on, go aya mapiya ko manga galbk ami na so manga polimposan iyan, go aya mapiya ko manga gawii ami na so gawii a khatmo ami Ska on, a masoso'at Ka rkami.

اللَّهُمَّ أَنْتَ الَّذِي خَلَقْتَنِي فَأَنْتَ تَهْدِينِ ، وَأَنْتَ الَّذِي تُطْعِمُنِي وَتَسْقِينِ ، وَإِذَا مَرَضْتُ فَأَنْتَ تَشْفِينِ ، وَأَنْتَ الَّذِي أَطْمَعُ أَنْ يَغْفِرَ لِي خَطِيئَتِي يَوْمَ الدِّينِ ، رَبِّ هَبْ لِي حُكْمًا وَأَلْحِقْنِي بِالصَّالِحِينَ ، وَاجْعَلْ لِي لِسَانَ صِدْقٍ فِي الْآخِرِينَ ، وَاجْعَلْنِي مِنْ وَرَثَةِ جَنَّةِ النَّعِيمِ ، وَاعْفِرْ لِآبَائِنَا وَأُمَّهَاتِنَا مِنَ الْمُسْلِمِينَ ، وَلَا تُخْزِنِي يَوْمَ يُبْعَثُونَ ، يَوْمَ لَا يَنْفَعُ مَالٌ وَلَا بَنُونَ إِلَّا مَنْ أَتَى اللَّهَ بِقَلْبٍ سَلِيمٍ.

Allāhumma antal ladī khalaqtanī fa anta tahdīn, wa antal ladī tut'imunī wa tasqīn, wa idā maridtu fa anta tashfīn, wa antal ladī atma'ū an tagfira lī khatiatī yawmad dīn, Rabbi hab lī hukman wa alhiqnī bis sālihīn, waj'al lī lisāna sidqin fil ākharīn, waj'alnī min warathi jannatin naīm, wagfir līābāinā wa ummahātinā minal muslimīn, wa lā tukhzinī yawma yub'athūn, yawma lā yanfau mālun wa lā banūn illā man atallāha biqalbin salīm.

Yā Allāh, Ska so miadn rakn a Ska so pthoro' rakn, go Ska so pphakakan rakn go phakainom rakn, go igira miasakit ako na Ska so pphiya rakn, go Ska so maiinam akn a karila'i niyan rakn ko manga dosa ko ko gawii a kaphamalas, Kadnan ko bgi ako Nka sa ongangn, go tapiin ako Nka ko manga pipiya, go bgi ako Nka sa bantogan ko manga salakaw, go baloya ko Nka a pd ko makaphangwaris ko Sorga a Naīm, go rila'i Nka so manga ama ami go so manga ina' ami a pd ko manga Muslim, sa di ako Nka

phakarondana ko gawii a kapagoyaga kiran, a gawii a da' a phakanggay a gona a tamok go da pn a manga wata, inonta so taw a miakaoma ko Allāh a phoposo' sa lompiyo.

اللَّهُمَّ ارْحَمْنِي ، فَأَنْتَ خَيْرُ الرَّاحِمِينَ ، وَارْزُقْنِي فَأَنْتَ خَيْرُ الرَّازِقِينَ ، وَاعْفِرْ لِي
فَأَنْتَ خَيْرُ الْغَافِرِينَ ، وَأَنْصُرْنِي فَأَنْتَ خَيْرُ النَّاصِرِينَ.

Allāhummar hamnī, fa anta khayrur rāhimīn, warzuqnī fa anta khayrur rāziqīn, wagfir lī fa anta khayrul gāfirīn, wansurnī fa anta khayrun nāsirīn.

Yā Allāh, kalimoon ako Nka, ka Ska i mapiya ko langowa phangalimo, go rizqii ako Nka ka Ska i mapiya ko langowa paririzqi, go rila'i ako Nka ka Ska i mapiya ko langowa paririla', go tabangi ako Nka ka Ska i mapiya ko langowa phananabang.

رَبِّ أَوْزِعْنِي أَنْ أَشْكُرَ نِعْمَتَكَ الَّتِي أَنْعَمْتَ عَلَيَّ وَعَلَى وَالِدَيَّ ، وَأَنْ أَعْمَلَ صَالِحًا
تَرْضَاهُ وَأَدْخِلْنِي بِرَحْمَتِكَ فِي عِبَادِكَ الصَّالِحِينَ.

Rabbi awzi'nī an ashkura ni'matalak latī an'amta 'alayya wa alā wālidayya wa an a'mala sālihan tardhāhu wa adkhillnī birahmatika fī ibādikas sālihīn.

Kadnan ko, bagiin Ka rakn a kapanalamati akn ko limo' oka a so inipangalimo oka rakn, go sii ko mbala' a loks akn, go makanggalbk ako sa mapiya a ikhaso'at Ka, go soldn ako Nka sabap ko limo' Oka a pd o manga oripn Ka a manga salihīn.

اللَّهُمَّ إِنِّي أَسْأَلُكَ الْهُدَى وَالتُّقَى وَالْعَفَافَ وَالْغِنَى.

Allāhumma innī as'alukal hudā wat tuqā wal afāfa wal ginā.

Yā Allāh, phangnin akn Rka so toro'an go so kalk go so kapindiara' go so kakawasaan.

اللَّهُمَّ إِنِّي أَسْأَلُكَ عِلْمًا نَافِعًا ، وَرِزْقًا طَيِّبًا وَعَمَلًا مُتَقَبَّلًا.

Allāhumma innī as'aluka ilman nāfian, wa rizqan tayyiban wa amalan mutaqqabalan.

Yā Allāh, phangni ako Rka sa ilmo a phakanggay a gona, go rizqi a soti go galbk a tatarimaan.

اللَّهُمَّ اسْتُرْ عَوْرَاتِي ، وَآمِنْ رَوْعَاتِي ، واحْفَظْنِي مِنْ بَيْنِ يَدَيْي وَمِنْ خَلْفِي ، وَعَنْ
يَمِينِي وَعَنْ شِمَالِي ، وَمِنْ فَوْقِي ، وَأَعُوذُ بِكَ أَنْ أُغْتَالَ مِنْ تَحْتِي.

Allāhummas tur awrātī, wa āmin rawātī, wahfadhnī min bayni yadayya wa min khalfī, wa an yamīnī wa an shimālī, wa min fawqī, wa aūdu bika an ugtāla min tahtī.

Yā Allāh, sapng Inka rakn so manga awrat akn, go pakasarig Anka so kaalk akn, go siap ako Nka ko kasasangoran akn, go sii ko talikhodan akn, go sii ko kawatanan akn, go sii ko diwang akn, go mlindong ako Rka o ba ako matibowa ko atag akn.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

Ya Allāh, bgi kami nka ko doniya sa mapiya a go sii ko akhirat sa mapiya a go lindinga kami nka ko siksa ko naraka,

سُبْحَانَ رَبِّكَ رَبِّ الْعِزَّةِ عَمَّا يَصِفُونَ وَسَلَامٌ عَلَى الْمُرْسَلِينَ وَالْحَمْدُ لِلَّهِ رَبِّ الْعَالَمِينَ.

Sub'hāna Rabbika Rabbil izzati ammā yasifūna wa salāmun alal mursalīna wal hamdulillāhi Rabbil ālamīn.

Wa Aqimus Salāh...